



# BINA PURI HOLDINGS BHD

---

## PRESS RELEASE

Berita Harian, 04 September 2009

### **Bina Puri raih projek substruktur RM36.6j**

BINA Puri Construction Sdn Bhd, anak syarikat milik penuh Bina Puri Holdings Bhd, memperoleh projek substruktur bernilai RM36.6 juta daripada Sunsea Development Sdn Bhd di Kota Kinabalu, Sabah.

Projek berkenaan membabitkan pembinaan dan penyiapan kerja tanah, kerja cerucuk, asas tingkat bawah tanah dan dinding penahan tingkat bawah tanah bagi cadangan pembangunan komersial di bandar raya itu.

“Kerja substruktur berkenaan adalah sebahagian pembangunan dan pembinaan Kota Kinabalu City Waterfront (KKCW) yang dijangka siap dalam tempoh sembilan bulan,” kata Bina Puri dalam kenyataan semalam.

KKCW yang kerja awalnya bermula pada Februari lalu, adalah pembangunan komersial bercampur, merangkumi pusat beli-belah empat tingkat, suite kediaman dan hotel antarabangsa lima bintang, semuanya dibina di tanah seluas 1.248 hektar yang menghadap laut.

Projek itu adalah usaha sama antara DBKK Holdings Sdn Bhd dan Sunsea Development Sdn Bhd, anak syarikat Waterfront Urban Development Sdn Bhd, kata kenyataan itu.

Dengan kontrak berkenaan, nilai kontrak dalam tangan kumpulan Bina Puri Group kini berjumlah RM2.32 bilion, selepas berjaya mendapat projek baru bernilai RM1.15 bilion sehingga kini pada 2009.

Syarikat itu akan terus membida projek baru termasuk dalam dan luar negara, dan yakin memperoleh projek baru sebelum akhir tahun.

Sementara itu, projek Bina Puri Construction yang sedang dilaksanakan di Sabah, termasuk pembinaan dan penyiapan Dewan Kuliah Pusat Kedua dan Pusat Pasca Siswazah untuk Universiti Malaysia Sabah (UMS), Kota Kinabalu, Sabah serta pembangunan perumahan di Sayang Buang, Papar.

Ia menyiapkan projek bernilai kira-kira RM1.5 bilion di Sabah yang termasuk jalan tepi pantai Kota Kinabalu Sulaman sepanjang 38 kilometer, Institut Latihan Perindustrian Sabah, Wisma Perkeso, jalan dari Jalan Sipitang ke Tenom dan Jesselton Condominium.

For further enquiries, please contact :

Cik. Surati Sujor

Corp Communications Dept

**BINA PURI HOLDINGS BHD**

Tel : 03-6136 3333 (3005)

Fax : 03-6136 9999

E-mail : [surati@binapuri.com.my](mailto:surati@binapuri.com.my)